

## PROGRAM ZA MLADE POSLOVNE LJUDE „NOVI LIDERI UNSKO-SANSKOG KANTONA“

Privredna komora Unsko-sanskog kantona u suradnji sa **Kongresom Bošnjaka Sjeverne Amerike i Privrednom komorom Naples Florida iz Sjedinjenih Američkih Država** organizira **Program za mlade poslovne ljude „Novi lideri Unsko-sanskog kantona“**.

Program će se u suradnji sa istaknutim institucijama i organizacijama Unsko-sanskog kantona.

Ideja je potekla od sličnog programa koji Privredna komora Naples iz Floride, SAD uspješno organizira već više od 40 godina.

„**Novi lideri Unsko-sanskog kantona**“ je posebno osmišljen program prepoznavanja i umrežavanja novih liderskih snaga Unsko-sanskog kantona. Polaznici ovog programa su mladi i perspektivni zaposlenici iz javnog i privatnog sektora u dobi od 21 do 40 godina.

Kroz desetak sesija koje će se održati u najvažnijim i najistaknutijim institucijama i organizacijama Unsko-sanskog kantona, polaznici će se pobliže upoznati sa njihovom organizacijom, poslovanjem i funkcioniranjem. Od polaznika se očekuje da stečeno znanje, informacije i konekcije ostvarene u ovom Programu koriste za dobrobit cijele naše zajednice.

### **Ciljevi programa su:**

- Učesnici će dobiti vrijedne informacije i naučiti o organizaciji i funkcioniranju kantonalnih i lokalnih izvršnih institucija, kulturnih i umjetničkih organizacija, dobrotvornih organizacija, turističkih i obrazovnih institucija i dr.
- Izgrađena jaka lokalna mreža između svih učesnika u programu, produbljene veze između javnog i privatnog sektora.
- Institucije i organizacije prepoznate i priznate kao podrška mladim profesionalcima i firmama USK.

### **Način realizacije programa:**

Datum održavanja sesija: Maj 2022. godine. Program će se realizirati kroz sesije koje će održavati jednom sedmično u trajanju do dva sata. Detaljna agenda će se naknadno dostaviti svim učesnicima.

Mjesto održavanja: Sesije se održavaju na različitim lokacijama tj. u institucijama/organizacijama koje su uključene u ovaj program. Polaznicima će se također pružiti uvid u organizaciju poslovanja i šetnjom kroz prostorije, te upoznavanjem sa ostalim zaposlenicima.

Broj polaznika – mladih zaposlenika iz privatnog i javnog sektora: 15-17

Informacije za polaznike: Polaznici se obavezuju da će jednom sedmično u mjesecu maju 2022. godine prisustvovati sesijama u trajanju do dva sata. Svi polaznici će dobiti radne materijale za sesije (fascikla, blok, olovka, informacije i kontakti svih učesnika i institucija). Nakon održanih sesija za polaznike će biti obezbjeđeno osvježanje (kafa, voda). Nakon održanog programa u cijelosti, polaznicima će se uručiti diplome za učešće na prigodnoj svečanoj dodjeli. Učešće u ovom programu je besplatno.